

今不敢更贅當初付處中道既云失刑而放釋之 命遷出於

物情之外功微罪大 王法至嚴豈可以一時些少之功全釋

其萬世難宥之罪哉伏願 殿下快從公論還收 成命不勝幸

甚 答曰尹承勳已適何至罷職具成策勲理應放釋並不得

從之○知中樞府事李希得卒逝 上輟朝一日令戶曹給官

木五匹白紙七卷油笔一番油紙五丈棺一部空石八十番依例

題給希得 王室之苗裔判書希微之弟少與金德鸛計謹元

頗以清謹稱然性抗直不阿見嫉於人不得安於朝廷之上癸

未年間以司諫訢斥朴淳鄭澈朋比之狀已亥之歲以諫長面

陳尹斗壽貪鄙之罪於 榻前士論多之巡察北方賤著責績

亞長天官推進士類厥後 上愍其年老特陞資憲至是卒年

八十有一有長○甲辰○巳時日暈午時日暈暈上有冠暈下有

履色皆內赤外青未時日暈兩珥申時日暈初昏四方陰雲中

有赤氣始起於巽方燄燄如火光燄燄中別有一條氣如炬燦

火直立長長二三丈許次起於南方坤光西方乾方北方東

方皆以次而見大槩形體皆同互相明滅至四更密雲下雪

不見五更密雲客星不見○睿宗大王忌晨○弘文館伏以